

TOLETV M.



Cum Priuilegio

VALLISOLETV M.



TOLETVM.



OLETVM, Plinio & Taraphæ Serezola, Hispanie vmbelicū obtinere videtur, cuius inæqualis cluofus, & asperior situs, satis difficilem in eam ascensum p̄abet. Maiores eius partem nobilissimus ille fluvius Tagus, aureis celebratus arenis, alluit, & ab hostium tuerit conatibus. Reliqua vero pars, quæ ad arcticum polum spectat, muris validissimis, & centum quinquaginta turribus tuta est, valde que munita. Hanc ab Hercule ædificata esse, fabulantur plerique. L. Marineus Siculus & Tarapha ex Boderico Toletano eam conditam commemorant à Tolemo ne & Bruto Consulibus annis CVIIlante, quām Iulius Cæsar regnare cœpisset. Est autem in præstantissima hac vrbe magnus equitum numerus, & illustrium virorum splendor maximus, ciuiumq; frequens & maxima multitudo, Sacerdotibus etiam est venerabilis, & disciplinis liberalibus exculta, artibusq; mechanicis & officijs adornata, mercatorumq; commercijs admodum diues, præsertim lanifico & lerico, quibus duobus officijs viuunt in hac vrbe hominum millia ferè decem. Diuiditur Toletum in regiones tres & viginti, eas amplissimum & pulcherrimum nobilitat templum, quod omnes sacras ædes, & forma conspicua, & magnificis ædificijs, Sacerdotumq; ministerijs, & ditissimis ornamentiis antecedit. Huius Ecclesiæ Archiepiscopum Urbanus II. totius Hispaniæ primatem instituit. Hinc Toletanus Antistes, secundus est à Rege, non dignitate solum & autoritate, verū etiam populis, vectigalibus, atq; potentia, sub cuius imperio, præter alios minores populos, oppida nobilissima ac memorabilia XVII. gubernantur. Sunt & hīc permulta monachorum & monialium monasteria, Fora venalia, XVII. in quibus omnium rerum copia semper abundat. Sunt & hospitalia duo, quorum alterum redditus habet ducatorum millia quinq;, quibus infirmi curantur & infantes expositi aluntur, quorum quidem semper Magnus est numerus. Alterum verò, cuius redditus propè duo milia ducatorum, in quo curantur homines Gallico morbo laborantes. Est & aliud memorabile, vbi degunt & aluntur homines sensu carentes, In quo præterea duodecim senes & vita probi, qui labores ferre, & viatum querere nequeunt, aluntur. Vicos autem propter domorum frequentiam densitatemq; plures habet angustos, qui propter ascensum & descensum sunt ambulatu difficiles. Ceterū domus magnæ sunt, & intus pulchriores ac commodiores, quām foris videntur. Seruiunt Toletanæ ciuitati tanquam dominæ multis & varijs rebus oppida multa, pagorumq; maximus numerus. Qui quidem ciuitatem diuitem faciunt, & rebus omnibus abundantem. Hæc L. Marineus Siculus lib. 2. de Lusitania.

PINCIA, VVLGO VALLADOLID.



PINCIA oppidum, omnium, quæ sunt in Hispania maximum ac nobilissimum, quod Vallisoletum, vulgo Valladolid vocant. De quo L. Marineus Siculus lib. 3. de rebus Hispaniæ hunc in modum scribit. Huic oppido quas vrbes & ciuitates anteponam non inuenio. Est enim in optimo loco situm in Pisuerę fluminis amoenissima ripa, liberalibus disciplinis & mechanicis artibus excultum: Aedificijs, sacris ædibus, cœnobij & duobus collegijs ornatisimum. Mercatorum commercijs & omnium rerum copia ditissimum. Vicos, plateis, muris illustris, Campis, fluminibus, hortis, fontibus amoenissimum. In quo præter alias res memorables, forum est venale amplissimum & pulcherrimum. In cuius ambitu, qui passus septingentos amplectitur, tricentas & triginta ianuas, & fenestrarum tria millia numerauimus, & omnia vidimus officia. Huic foro coniunctus est vicus conspicuus, qui ab argentarijs opificibus Argentarius dicitur. Quapropter hoc oppidum cum ciuitas non est, multis tamen ciuitatibus etiam primarijs non immerito præfertur. A regibus Hispaniæ præsertim, qui hoc oppidum quasi domicilium placidissimum frequentant. In quo omnes fere Hispaniæ magnates ædificant & libentissime morantur. Hinc Orientem versus Cabeconiana sublimis arx aspicitur supra fluminis eiusdem ripam. Vnde non longè distat oppidum Donia, soli fertilitate diues, & Catholicorum Regum coniugio memorata. Item Palentia nobilissima ciuitas in amnis Carrionis margine sita, vbi quondam literarum gymnasium fuisse memorant, quod postea Salmanticum trâslatum fuit. Porro, cum multis de causis celeberrima sit Pincia, multo tamen magnificentiorem eam reddidit, optatissimus D. Philippi Regis Hispaniarum ortus: Quem quidem maximum, & potentissimum Regem, non alibi, quām in potentissima pulcherrimaque vrbe nasci conueniebat.